

天威神煞更誅人 雲似黑龜冲破軍
 破軍使見未申風 雨與七日不能晴
 七日之間成湖海 雷誅人畜石山精
 赤炁來朝貫斗中 輕則未申風雨與
 重則雷霆施號令 追精伐祟逞天刑
 白炁如飛冲北斗 堪看雷雨定誅人
 二十四炁皆如此 七十二候細推明
 雲炁雜與風雨作 黑雲貫斗亦為霖
 白雲如霧來冲射 未申風雨返雷霆
 明月清風無點翳 四岸無雲射斗星
 陰陽不動殺不現 便是符靈也不靈
 南辰北斗推詳細 尺寸高低分野分
 深辨吉凶星煞處 定知方所莫差論
 五星若有清光色 禿帚長拖十所旬
 畢勢炎炎攘不得 災厄蟲蝗人受迍
 冬至前三并後四 若也雷鳴并雷霖
 此處雷鳴此不吉 東西南北一般論
 火星一宿出南方 萬物生涯總枯瘁
 此處星紅此處旱 紅暈光射定吉凶
 火星箕畢多風雨 餘者躔之主旱侵

六甲風雲頻著眼 知斯消息自心明
 早晚中秋勤著看 天上無星旱數侵
 石澗水流天欲雨 炎炁蒸薰近雨淋
 水炁升而魚躍淵 蟻蟻封穴雨時行
 蜈蚣畫現路上走 來朝風雨未申轟
 虹霓西見當日雨 未申誅伐樹妖精
 若還東見高低看 有雲無雨旱魃精
 地炁升天三日雨 天炁下降四時淋
 地不至天天不雨 天不至地旱將侵
 夏見則秋無雨至 春見六七雨淋淫
 夏月北方天作雨 秋月南方雨後淋
 冬月南風天有雪 久雨西風又放晴
 是章者乃元始玉書非凡俗之秘典得知者
 乃道根深重夙有因緣傳仁傳義傳德傳仙
 雷霆甚重不可輕傳運雷霆於掌上呼風雨
 於目前代
 天宣化濟物利人永為身寶戒慎之焉
 兩賜氣候親機

盤天經 筮二
 高明上覆日月星辰沉潛下載風雨龍神
 夫高明者天也性雖至剛而有柔克謂能
 行健不息運三光而照臨下土也君尊象
 天當以柔克而納賢直之言督百揆而撫
 萬民也沉潛者地也性雖至柔而有剛克
 謂能興雲雨調四時成百實產金石也臣象
 地當以剛克揆文武均賞罰勸諸侯法五
 常正三綱也是為三才之象天垂七曜曆
 數之本無違地出五雲升降之元長定君
 王修德則五嶽不差將相謙和則四時成
 序上下一而時雨降天地交而萬物亨也
 占斗光之明暗分月色之初新魁畔黑雲見
 雷轟於當夜翌前黃炁知潤澤於來辰
 魁乃斗也若黑雲犯斗半夜兩作黃炁蔽
 翌明朝潤行此候斗之徵也
 徧掩映於三日獨溟濛而半旬
 星黑炁冲斗三文餘而色潤者三日內必
 雨無雨則主有憂大人不安也一望四郊
 皆無雲翳惟斗中上下獨有雲炁濛濛覆

而潤者後五日必雨如雲黑低濃下廣布
四厚者即當夜雨至也

戊子六龍若魚行而大灑

雲若魚行戊癸生主子遁乖而化火水一
土五故曰六龍夜斗中間且日上下若有

蒼潤色雲如魚遊必主粗灑雲多雨之兆
也

斗間五象如龜動以長津

且日夜斗斗居中天以主四極其類為五
色總四方故曰五象夜斗間且日下若有

五色祥雲似龜動形而蒼潤者必主粗雨
若黑雲蔽滿則為多雨也

類南天兮炎火同中嶽兮飄塵

夜觀斗中間赤雲黃蒸蔽者當大熱殺人
若是黃雲濛蔽及日月上下或不甚密者

多風塵之象南天之色赤中嶽之色黃故
以類之

魁白雲而大遭風雨

斗白蒸掩斗而廣布者必有大風惡雨
節丹霞而甚益農人

節候四季八節六候之日且暮雲霞四出
者主此月多雨

甲日晴空一向竭定雲蒸東出五行逐回

六甲日候上下若無雲翳則一向多晴有
青雲甲乙兩有赤雲丙丁兩黃雲戊巳日

兩白雲庚辛日兩黑雲壬癸日兩隨色候
兩故曰五行逐回

五卯同木四方之象同因六甲從蒼諸干之
形定變

六甲同五卯日占與六甲日同若是且掩

日主當日雨多暮掩日者則當夜雨少也
紫烏白兔降未升而雨霑

日月開光暮曰天蒸既降地蒸未升厚則
日紫薄則日赤於月則白此為將雨之候

若遊蒸蔽天日月失色者雨信也

素日丹瞻升未降而災燭

地蒸升天蒸未降厚則日黃薄則日白於
月則赤乃旱之兆赤少雨多露之象也

陽雲陰綠未交兮景色將寒

天蒸既降地蒸未升上下未交晝則日青

夜則月綠乃將寒之候此天地之變徵也
奇黑偶青未密兮而虹霓或見

二蒸升降上下雖交而蒸未密晝則日黑
夜則月青將雨不雨主必變霧霧或為暈
皆虹霓之屬奇陽為日偶陰為月

若乃重占卯日雲聚中央景色寒冽大風木
折四方

五卯日雲聚中央景色寒冽大風木折四
方昏翳隨雲多少驗之多即大風頻至如

黑雲多壬癸日有雨
雷薄須頻無則別生災疹兵攢必急有之則
更起災殃

凡遇卯日如前天色微變而後無雨者必
別生災疹定兵起急變之事應在五日内
也

斷五音之官羽

子午日為宮卯酉日為羽辰戌為商巳亥
為角丑未寅申徵納音則水羽土宮金商

木角火徵也若羽日宮風宮日羽風皆至
有雨或壬辰癸巳及壬戌癸亥等日卯時

風暴或卯酉上來潤蒸之生有大水百川決溢濤濤盈滿如風勢叫怒者即主刑殺相會水中賊起之事宜加審若徵日風時加丑未寅申必主火災自日風時加巳亥必主死喪災病商日風時加辰戌必主兵起陽日主外陰日主內也

裁六意之柔剛

凡風雨失時者須詳六情以決其事實午廉貞主慶事權樂巳酉寬大主使客和好亥未公主執仇見喜忻悅申子貪狼主侵財奪貨竊盜卒起亥卯陰主劫賊傷切害辰未奸邪主好人入國非淫相殺其風清不寒則事淺若昏濁激觸破屋折樹則禍重也

壬子至丁酉燥則龍藏計候朝雲蔽日低濃則雨通諸鄉

壬子至丁巳凡六日所管各從三日壬子管戊午巳未庚申癸丑管辛酉壬戌癸亥甲寅管甲子乙丑丙寅乙卯管丁卯戊辰巳巳丙辰管庚午辛未壬申丁巳管癸酉

甲戌乙亥六日次第推測其主日雲蒸低濃則所管從日亥多雨高燥則多旱又隨地分而占望之九州分野在後可詳察丙子起之辛巳行盡一日主占六辰詳認與前法同但一主日管五從日也如丙子管壬午癸未甲申乙酉丙戌之類詳注于後

連窺天漢蛇衝而霧集雲屯累顧銀河猶越而風調雨順
天河六甲五卯日天河有雲如蛇或猪狀往來者主有雨若黑罷而復興者主風雨順時也

無雲掩映當旬之草木不滋有潤經過見則田園益潤
天河六甲五卯日及壬癸丙丁水火二限之辰有黑雲潤蒸渡河者不主是何形皆主有雨無則旬輕爽

果午夜半如龍在震以辰期青龍且前似馬當離而午位
日色上下常以癸丑日夜半屬甲寅日辰

前及於甲寅日平旦東方雲有象如龍則辰日雨如馬則午日雨餘倣此以類推之月初兩曜青蒸潤明旬當數兩黃赤乾晴初一二三日出時看凡月初日月色帶青黑潤明者主月內多雨又占一日管上旬二日管中旬三日管下旬如色赤黃乾枯月內多旱也

且候孤光雲帶中央而不動日高三丈兩施四面以頻行
日出凡日高三丈以來有雲如帶長引貫日而潤者名為陰蔽陽主多雨之象或且果白雲帶潤為積陰也

晨辨東方積土之形便瀉暮窺酉上累蓋之象垂傾
且視東方有雲如積土之形色及如累蓋之狀作層而起者主尋時有雨或落在巳酉庚戌暮現亦然凡雲積聚日傍上下起者為雨之兆也

色象北方雲多黃黑蒸運南行雨多玄則
且視北方有雲黃潤厚如二里許大小南

行者主壬癸日雨蓋壬癸之色黑故曰玄則

躍躍猶狀山奔而七子之裁蔚蔚雜風乾受以八表之測

且日出時有黑霧雲如猪狀者主雨于日時必雨數當也故曰七子之裁或北雲蔚南容蒼蒼兼有南風其雲回北者後八日內必雨若西南行者主便雨不然則早露之相比行則當日必有雨惟黑霧掩日者必雨

雲帶橫列寅卯為甲乙之名日輪所當辰巳為丙丁之澤

凡有陰精雲帶或白或黑在寅卯時或寅卯方上者甲乙日雨若在辰巳日及方上者丙丁日雨或陰精雲帶有潤蒸隨之者

其時立有雨也

午未見雲戊巳以無差坤申行雲庚辛而不

雲帶在午未上及午未日時者主戊巳日雨坤申時者主庚辛日雨其或酉戌上及

日入時見者丁癸日必雨也

若當災旱觀象入於天河或遇淋淫見星繁於漢陌

天潢及奎角二宿之散其本日水一名天河夜見漢中星繁則主雨星少則為旱雷

電六星在室西南若明動則主雷電霹靂雲雨四星在室東南方明動則多雨也

五色交雜赤黑相兼天威電凍神怒雲霞

且有雲悉五色交錯或赤黑相兼者及天之威怒必有電凍也雲者有災言雲雲小

而不濡物神不敬也凡旺相之日降雨者為長生萬物因死日降雨者為殺伐萬物也

漫灑輕吹遠通兮專王敬愛迅飄傾注高低兮逆主情猜

凡微雨漫風不損禾苗者乃人情吹化上下同心之兆也若急雨惡風轉觸崩騰平地水高深蕩人物者惡人謀逆也

登正臣忠後雨先風而詳察上驕下諂始雨終風而禍占

感情符曰風為陽物配之於君雨為陰物配之為臣凡風先後雨者為禎為祥乃君

正臣忠之象先雨後風者乃上慢下暴之象也若止雲雨而無風者雨為陽物雲為

陰物凡雨後便晴者德化流行君臣和睦之象若止後猶有雲悉蔽天不散者政令

乖違上下不和之象也若夜沉露而晝舒晴明者為君正臣忠上律下恭之象也晝

沉露而夜晴明者為臣逆君下圖上之象晝夜俱沉露者乃上下相謀之象也

○ 鐘逆入河法令急而淋澇發回犯木政理乖而旱災

犯奎角之星天官之書曰土星逆行入河中主天下大水法令嚴急或流入津者亦為澆水溺之相火星逆行犯守木星主災

早入河主天下大旱貴人有災火星犯木為滋墨乃君過愆之所致也

歲月日時精靈攢聚掩迫關係神祇相遇

歲月日時占法太乙主十二月有掩迫關係四時開生十精併聚之日且有黑雲濃

係四時開生十精併聚之日且有黑雲濃

潤掩日者當日必雨青雲甲乙雨赤雲酉
 丁日雨又青主寅卯日時雨白主申酉日
 時雨也一日天皇申子辰三甲旬首年月
 日時起武順行十二夜四隅重留二日帝
 符申子辰三甲旬前起陰主順行十二辰
 四隅重留三日天時五子並起占甲順行
 十二辰周而復始曰天行事甲子辰月
 日起八宮逆行六二四周而復始五日飛
 鳥上元甲子起一中元甲子起七下元甲
 子起四皆少至多行九宮周而復始六曰
 天乙上元甲子起八中元甲子起六下元
 甲子起九皆少至多行八宮周而復始七
 曰八風上元甲子起二中元甲子起八下
 元甲子起五九宮周而復始八曰五風上
 元甲子起一中元甲子起四下元甲子起
 七皆少至多越一位行九宮周而復始
 四位加變朝中夕半以興雲
 太衝勝光從魁神后凡四仲年月日時皆
 太乙移宮之日每移宮之時有雲掩日青
 黑潤者必雨朝卯中午夕酉夜半子時凡

雲起濃潤則有雨慧掃日則多風薄微則
 多主晴若乾黃赤赤多旱也
 六壬發傳龍水干支以致雨
 軒轅氏六壬占經常以月符加月建及月
 朔見神后下為大雨大冲下為小雨日又
 以六甲旬天上壬癸下為雨日又以大吉
 加月朔神后下為大雨大冲下為小雨凡
 起雲起以月將加正時上見登明神后功
 曹大冲為大雨青龍六合天后玄武雲吟
 為小雨金土神后騰蛇白虎臨時日者為
 大風雨太乙勝光朱雀騰蛇臨時辰為必
 晴凡有雨不晴者以日符加月建及月朔
 見太乙勝光臨時辰及天上丙丁為晴日
 也日辰則春辰夏未秋戌冬丑日符則甲
 寅乙卯丙辰丁巳戊午庚申辛酉壬子癸
 亥是也
 日辰兩位非其所以無多宮宿十精是本方
 而編溥
 神樞靈轄經云甲為齊魯分乙為東夷分
 丙為吳越分丁為楚蠻戌為鄭陳己為魏

蔡庚為晉衛辛為秦蜀壬為燕韓癸為趙
 魏分子為韓分齊青丑為翟衛寅為趙
 楚漢卯為鄭豫辰為邯鄲巳為衛郡
 荆午為秦西京未為梁楚山申為
 齊晉魏分酉為魯分戌成為趙分亥
 為燕代衛并此乃九州分野雲悉此法占
 日辰支干年月日時皆有法八節冬至起
 少至九多夏至後起九多至一少此五日
 一移宮一宮主兩冀州趙州主霸荆州漢
 楚分三宮主風雷青州齊分四宮主淋淫
 徐州魯分五宮主蟲災豫州宋分六宮主
 霜電雍州秦分七宮主霧霖梁州晉分八
 宮主雲霧兗州鄭分九宮主災火揚州吳
 分今人號九州右法冬至起甲子順飛八
 官夏至後中宮起甲子逆飛
 金水出入起風霧以連天畢月相逢布雲雷
 於下土
 金水二星躔箕畢金水出入主有風雨月
 會其多風會畢則多雨所謂多風多雨也
 銅雀屏悉池枯而微鳥翅張石燕翔空川溢

而商羊鼓舞

感情符歲旱澇不熟則銅雀韜青蚺蟻蛇
四翼名微鳥見處有三年天旱識者多種
大麥以防飢謂大麥奈旱也歲將豐則商
羊鼓舞所謂天將雨商羊舞是也水馬亦

名石燕飛則主多雨之兆

載君之德五微不亂以迎新謂相之賢十義
無虧而效證

日月盈昃各有常度功理大小各有常法
所以治成而化通五微未備風以動物兩
以潤物燠以長物陽以化物寒以成物五
微備而休咎明正與君能聖治則風雨順
之如有濛暗則將風順之君能昭敬則時
雨順之如乃狂望則將雨順之君能明哲
則時陽順之如有僭差則將陽順之君能
謀慮則時寒順之謂各依其時者為休微
也昔舜禪禹卑宮室而盡力乎溝洫以安
百姓故八風適用五微不差如昔殷紂之
君不敬上天降災下民沉溺冒色罪人以
族官人以世為官室臺榭陂池侈服以殘

害萬姓焚夷忠良別則孕婦皇天震怒亂

禍四起霖雨不時冬溫夏寒五微皆錯此
天助武王滅殷之象也禮運喜怒憂懼愛
惡欲七者不學而能乃人之情也父慈子
孝兄友弟恭夫義婦敬君仁臣忠師嚴友

信十者學而後全乃人之義也所以較情
義與信睦行辭讓去爭奪惟聖人能之
尊天貴地惟妙法以推成鬼神欽結玄機
而完備

明陰陽關節之數建玄機運行之圖尋其
義也皆先聖之遺文究彼情焉從後賢之
初貫通天地之玄號風雲之賦

盤天經



道法宗旨圖衍義序

筌三

養吾會三家為一家者雖然道不可圖苟求
其故道非遠人是能親禮非揣籥聞鐘以為
日也學者勉之至大第二春三十八代天師
廣微子書

道言吾不知其名強名曰道道既無名何以
述之苟求其故雖萬八千篇未為過也鐵崖
子傷大道之不行憫流俗之傍見纂集諸象
為道法宗旨圖噫大哉其心也龍虎刊行觀
之若望洋焉希賢不愧凡愚嘗有志於三家
微言為之衍義後因深省若杳冥中有所警
者得遂初志且夫太古以來真機未泄雖有
其象然性與天道不可得而聞也蘇子所謂
道不可言言皆其似者也是書亦似者也
故達者因似以識其真昧者執似以陷於偽
願與同志因似以識其真明道之士不必觀
也若夫眼看空花手撈水月又非予之願也
大德已亥至日臨川章希賢書于養吾堂
道之廣大大且無邊道之精微微且蘊妙是
以道之以法法之以圖圖之以景景之以玄